



Bæjarstjóri Hafnarfjarðar
Guðrún Ágústa Guðmundsdóttir
Strandgötu 6
220 Hafnarfjörður

Hafnarfirði 1. nóvember 2013

Kæri bæjarstjóri

Rauði krossinn í Hafnarfirði hefur sl. ár unnið í samstarfi við bæjaryfirvöld að úttekt á stöðu málefna innflytjenda í bæjarfélagit. Þátttaka í síkri vinnu er félagitum mjög mikilvæg enda einsetjum við okkur að starfa í þágu þeirra sem eru hvað berskjaldaðastir í samfélagitum hverju sinni. Liður í því er að kanna stöðu einstakra hópa eins og gert var í þessu tilviki og taka í framhaldinu upplýsta ákvörðun um hvort nauðsynlegt er að félagið beiti kröftum sínum sérstaklega í ákveðnum málaflokkum.

Í undanförnum landskönnum Rauða krossins, Hvar þengir að, hefur staða innflytjenda orðið sífellt meira áberandi og sá hópur staðið höllum fæti. Næsta könnun á að fara fram árið 2014 en segja má að hin viðamikla könnun sem unnin var hér í Hafnarfirði beini sjónum að hópi sem samkvæmt rannsóknum virðist berskjaldaður í samfélagi okkar.

Með bréfi þessu viljum við koma því á framfæri við bæjaryfirvöld í Hafnarfirði að Rauði krossinn í Hafnarfirði hefur áhuga á að blása til samstarfs við bæjaryfirvöld komi til þess að unnið verði að bættri þjónustu og eflingu á stöðu innflytjenda í hafnfirsku samfélagi.

Við teljum að Rauði krossinn búi að mikilvægri þekkingu í málaflokknum og má nefna að aðrar deildir innan félagsins s.s. deildir í Fjarðarbyggð og á Akranesi hafa verið leiðandi í samstarfi við sveitarfélögin í þjónustu við innflytjendur. Reynsla þeirra og þekking nýttist okkur í Hafnarfirði vel komi til álíka samstarfs bæjarfélaginu þekki nú þegar til merkis Rauða krossins og Rauða hálfmánans og starfs hreyfingarinnar frá sínu heimalandi. Það skapar grundvöll fyrir ákveðnu trausti í upphafi og styrkir stöðu okkar í starfi í þágu innflytjenda.

Rauði krossinn í Hafnarfirði hefur einnig starfað nokkuð að innflytjendamálum og um árabil lagt sérstaka áherslu að bjóða unga innflytjendur velkomna í ungmannastarf, stóð fyrir félagsverkefni fyrir konur um tveggja ára skeið og hefur frá árinu 2006 rekið öflugt sjálfboðastarf til stuðnings við hælisleitendur og flóttafólk hér á landi. Að auki hefur verið náið samstarf við Mæðrastyrsnefnd Hafnarfjarðar sl. áratug

	Hafnarfjarðarbær
Ítrik:	1.11.2013
Málsnr:	1311009
Bréfsl:	320-0



Rauði krossinn
Hafnarfirði

vegna neyðaraðstoðar um jól og hefur komið í ljós að flestir innflytjendur sem búa við kröpp kjör og þurfa að leita sér aðstoðar hafa snúið sér til Rauða krossins vegna umsókna um aðstoð.

Það er mat okkar að skýrslan um stöðu innflytjenda í hafnfirsku samfélagi bjóði uppá mörg tækifæri fyrir bæjarfélagið og félagasamtök til að efla þátttöku innflytjenda í samfélaginu. Tækifæri til að opna dyr og stuðla en frekar en nú er gert að fjölmenningsamfélagi þar sem allir Hafnfirðingar óháð uppruna og stöðu hafa jöfn tækifæri til þátttöku í okkar góða samfélagi.

Forsvarsmenn Rauða krossins í Hafnarfirði eru ávallt tilbúnir að ræða við bæjaryfirvöld um möguleika á samstarfi.

Með kveðju

Fyrir hönd Rauða krossins í Hafnarfirði

Áshildur Linnet framkvæmdastjóri